



**Tallimangornermi ulloq 17. maj 2024 nal. 13.00- 14.00 ataatsimiittarfimmi
Erling Høegh-mi Ilaqutariinnermut Peqqissutsimullu ataatsimiititaliamik
isumasioqateqarnissamut apeqqu tip akineqarnera**

Brevdato: 17-05-2024
Sagsnr. 2024 - 10078
Akt id. 24180235

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ilaqutariinnermut Peqqissutsimullu ataatsimiititaliamik isumasioqateqarnissamut
aggeqqusissummut Naalakkersuisut qujapput.
Apeqqu tip nassiunneqarsimasut ataani akineqarput.

**Napparsimasut oqaaseqartartoqalernissaanut siunnersuut
Napparsimasut oqaaseqartartuannik pilersitsissagutta napparsimasunut qanoq
sunniuteqassava? Pineqartunut ataasiakkaanut iluaqutaassava?**

Akissut:

Napparsimasut oqaaseqartartuata sunik suliaqarnissaanut akisussaaffeqarnissaanullu
tunngatillugu Inatsisartut aamma Naalakkersuisut ataatsimoorlutik aalajangiinerat
Napparsimasut oqaaseqartartuata atuuffianut apeqqutaalluinnassaaq. Napparsimasut
oqaaseqartartuattut atuuffimmik pilersitsinissaq Peqqinnissaq pillugu
Ataatsimiititaliarsuani eqqaaneqarnikuunngilaq aamma isumaliutissiissutip
innersuussutaani allassimangilaq. Ukioq kingulleq partiinit amerlanerussuteqartunit
peqqissutsimut tunngatillugu isumaqatigiisummut atatillugu qulequtaq taanna aamma
ilaanngilaq. Napparsimasut oqaaseqartartuata sunik suliaqarnissaanut tunngatillugu
kiisalu aqqissuussinernut pioreersunut, tassunga ilanngullugit oqaaseqartartut
atuuffinnut aamma pisinnaatitaaffiit pillugit suliffeqarfinnut allanut atatillugu akisussaaffiit
qanoq agguarneqarnissaannut tunngasut Naalakkersuisunit maannakkut
qulaajarneqarsimangillat oqallisigineqarsimanatillu.

Pissutsit tamakku qulaajarniarlugit Naalakkersuisut UPA2024/65-ip
siullermeerneqarnerani ukuninnga allannguutissatut siunnersuuteqarput.

*“UPA 2025 sioqqullugu aqqissuussinernut pilersinneqareersimasunut atatillugu
napparsimasut illersuisuata sunik suliaqarnissaanut akisussaaffeqarnissaanullu
tunngatillugu Naalakkersuisut innersuussutinik saqqummiusseqqullugit
peqquneqarnissaannut Inatsisartut aalajangiiffigisassaattut siunnersuut.”*

7. Allaffissornerup ingerlanerani qanoq sunniuteqassava? Toqqaannartumik ikiorserneqarsinnaalissappat napparsimasut?

Akissut:

Napparsimasut oqaaseqartartuata toqqaannartumik napparsimasunut sunniutigisassai Naalackersuisunit maannakkut erseqqissumik nassuiarneqarsinnaanngillat. Allaffissornerup aningaasaqarnikkullu kingunerisassani napparsimasut oqaaseqartartuata napparsimasunut tunngatillugu sunik suliaqarnissaa akisussaaffeqarnissaalu apeqqutaajumaarput. Innuttaasut tamarmik sulinneqartussaanerit eqqarsaatigalugu ukiumoortumik 1,8 mio.kr.-nik aningaasaliisoqarnissaa naammangitsoq nalilerneqarpoq.

Napparsimasut oqaaseqartartuannik pilersitsinermit aningaasaqarneq utoqqaat oqaaseqartartuannut naapertuutikannissasoq kiisalu inatsisinut siunnersuutiniq suliaqarnissamat A/C fuldmægtigimut ukiumut atorfirmut naleqquttumik akissarsiaqartitsisoqassasoq siunnersuummi atuarneqarsinnaavoq. Tassunga atatillugu oqaaseqartartutut atuuffinnut aamma pisinnaatitaaffiit pillugit suliffeqarfinnut pioreersunut ukiumoortumik aningaasaliinerit annertussusiisa annertuumik nikerarnerat eqqaaneqassaaq. Aningaasaliiffiqeqarnissamik pisariaqartitsineq eqqarsaatigalugu suliassat akisussaaffillu isumagineqartussat apeqqutaajumaarput.

Tamatuma peqatigisaanik suliassaqarfinni pineqartuni pisortat kiffartuussinernik kissaatigineqartunik naammassinninniarnernannut atatillugu amerlanerusunik aningaasaliinissamat tatisisoqarsinnaasoq oqaaseqartartutut atuuffinni assingusuni misilittakkanit erserpoq.

Tamatuma peqatigisaanik Nunatsinni Nakorsaaneqarfiup maannakkut suliassaata napparsimasut oqaaseqartartuattut atuuffimmu qaleriissinnaanerit malugeqquneqarpoq.

Nunatsinni Nakorsaaneqarfiup suliassai Nunatsinni Nakorsaaneqarfiup sulinera pillugu Namminersorlutik Oqartussat nalunaarutaanni nr. 7, 15. juuni 2017-imeersumi allasimapput, ukuninngalu imaqlutik:

- Nunatsinni Nakorsaaneqarfik apeqqutini peqqissutsimut tunngasuni Namminersorlutik Oqartussanut oqartussaasunullu allanut siunnersuisassaaq ikiorsiisassallunilu
- Peqqinnissamat tunngatillugu iliuuserisat amigaateqarnerat pillugu paasititsiniaaneq, pitsanngorsaataasinnaasunillu siunnersuusioreq
- Peqqissutsimut tunngatillugu immikkut ittunik pisoqartillugu tamanut nalunaaruteqarneq
- Peqqinnissakkut sullissisunut ilitsersuusioreq
- Peqqinnissakkut sullissisunik suliffeqarfinnillu nakkutilliineq
- Peqqinnissakkut sullinneqarneq pillugu Napparsimasut Maalaarutaannik Aalajangiisartut aalajangiivigisassaannik piareersaaneq

- Peqqissaasut Kalaallit Nunaanni sulisinnaatitaanerannut uppersaasiorneq
- Eqqartuussinernut atatillugu misissuisarneq, inuttut atugarisat peqqissutsillu ataqtigiinnerat pillugit, avatangiisinut eqqiluisaarnissamullu tunngasut Nunatsinni Nakorsaanerup suliassaqrifiinut ilaapput
- Nunatsinni Nakorsaaneqrifiup suliassai allat tassaapput naatsorsueqqissaarnermi kisitsisit tunngavigalugit innuttaasut peqqissusaannik nakkutilliineq, nappaatit tuniluuttut pillugit nalunaaruteqarneq Nunatsinnilu Nakorsaaneqrifiup suliai pillugit ukiumoortumik nassuiaasiorneq.
- Innuttaasunut peqqissuunissamik pinaveersaartitsinermillu suliniuteqarnermut atatillugu nalinginnaasumik aaqqissuussinerni Nunatsinni Nakorsaaneq peqataasarportaaq.

Tassunga ilanngunneqassaaq Nunatsinni Peqqinnissaqrifiup 2016-imili napparsimasunut siunnersuineramik neqerooruteqartalenera, taanna innuttaasunut qanittumik arlaannaannulluunniit attuumassuteqanngitsumik sullissiviuvuq, napparsimasut ilaqutaasullu paasissutissanik ikiorneqarnissamillu ujartukkaminnik aallerfigisinnaasaat. Napparsimasunut siunnersuisup napparsimasut qanigisaasalu peqqinnissaqrifiup iluani pisinnaatitaaffiinik ilitsersuineq siunnersuinerlu suliassaasa pingaarnerit ilagaat.

Inussiarnersumik inuulluaqqusillunga

Erik Jensen

Agathe Fontain